

Morning Regional Dogri News Bulletin, 01st September 2024

मार्निंग डोगरी न्यूज़ बुलेटिन, समें. 09-20 Hrs

Headlines

जम्मू कश्मीर ते हरियाणा दे असेंबली चुनाव लेई वोटें दी गिनतरी दा कम्म हुन 4 अक्टूबर दे बजाए 8 अक्टूबर गी कीता जाग।

पैहले गेड़ दे असेंबली चुनाव लेई चुनाव प्रचार होर तेज होने दी मेद ऐ। कांग्रेस नेता राहुल गांधी होर औं दी 4 सितम्बर गी गूल ते डुरु च दऊं चुनावी रैलिंग च भाषण देंगन।

फौज दी 16 कोर दे जीओसी होरें डोडा, किशतवाड़ खित्ते दा दौरा लाया जित्थें पैहले गेड़ तैहत विधानसभा चुनाव होने न। खूफिया ते सुरक्षा अधिकारिण दे सांझे सम्मेलन च सुरक्षा मत्तल्लक तैआरिण बारे चर्चा कीती गई।

प्रधानमंत्री नरेन्द्र मोदी होरें ईटी वर्ल्ड लीडरस फोरम गी संबोधत कीता। उनें भारत दे सतत विकास लेई सुधार, कारकरदगी ते बदलावें दे मंत्रपर लोह पाई।

<><><><><><>

Election Commission

जम्मू कश्मीर ते हरियाणा च होने आले विधानसभा चुनाव तैहत पाए गेदे वोटें दी गिनतरी करने आले दिन च हुन बदलाव कीता गेआ ऐ। चुनाव आयोग आस्सेआ जारी ब्यानै मूजब एह गिनतरी हुन 8 अक्टूबर गी होग। पैहले वोटें दी गिनतरी 4 अक्टूबर गी होनी ही। आयोग नै हरियाणा च इक अक्टूबर गी होने आले मतदान दी तरीक च बी बदलाव कीता ऐ। एह हुन 5 अक्टूबर गी होग। चुनाव आयोग नै आखेआ ऐ जे उसी राष्ट्रीय सियासी पार्टिण, राज्य दिण सियासी पार्टिण ते ऑल इंडिया बिश्नोई महासभा आस्सेआ थ्होए दे आग्रहें मगरा इनें तरीकें च बदलाव कीता गेआ ऐ की जे इस दरान अरोज अमावस्या दा ध्यार आवा'रदा ऐ। जिस दरान बिश्नोई समाज दे केई सारे लोक हरियाणा थमां राजस्थान जंदे न ते इस ध्यार गी मनांदे न। एहदे कन्नै मतदाता वोट पाने दे अधिकार थमां वंचित रेई सकदे न। आयोग नै इनें आग्रहें गी मन्नदे होई तरीक च बदलाव कीता।

<><><><><><>

Campaign

जम्मू कश्मीर च चुनाव अभियान जोर फगड़ा'रदा ऐ। बक्ख-बक्ख सियासी पार्टिण दे स्टार प्रचारक मतदाताएं गी अपनी पार्टी दे मेदवार दे हक्कै ते पार्टी दे पक्ख च पूरे जोर कोशश करा'रदे न। बीजेपी दे स्टार प्रचारकें च

प्रधानमंत्री नरेन्द्र मोदी, केन्द्रीय मंत्री अमित शाह, रक्षामंत्री राजनाथ सिंह ते उत्तर प्रदेश दे मुखमंत्री योगी आदित्यनाथ होर शामिल न। दूर्ई भेठा कांग्रेस अध्यक्ष मलिककार्जुन खरगे, कांग्रेस दी वरिष्ठ नेता सोनिया गांधी, प्रियंका गांधी वाड्रा ते होर केई लोक शामिल न। 40 स्टार प्रचारके दी सूचि विधानसभा चुनाएं दे पैहले गेड़ तैहत् 18 सितम्बर गी होने आले मतदान सरबंधी प्रचार लेई जारी कीती गई ऐ। जम्मू कश्मीर च 90 विधानसभा हल्के च त्रै गेड़ च मतदान होग। 18 सितम्बर गी पैहले गेड़ तैहत् 25 सितम्बर गी दुए गेड़ तैहत् ते पैहली अक्टूबर गी मतदान त्रिए गेड़ तैहत् मतदान होग। वोटें दी गिनतरी 8 अक्टूबर गी होग। 2014 मगरा एह पैहले विधानसभा चुनां न। एहदे इलावा 2019 च दफा 370 गर हटाए जाने मगरा बी एह विधानसभा चुनां पैहली बारी गै होआ'रदे न। कांग्रेस नैइनें चुनाएं च पैहले गै नेशनल कांफ्रेंस कन्ने गठबंधन करी लैते दा ऐ।

<><><><><><>

Rahul Gandhi

लोकसभा च विपक्ष दे नेता राहुल गांधी होर जम्मू कश्मीर दे दौरे पर 4 सितम्बर गी बनिहाल ते डुरू च 2 चुनावी रैलिंग गी संबोधत करगंन। पार्टी दे प्रवक्ता नै गलाया जे गांधी होर पैहली चुनावी रैली जम्मू खित्ते दे रामबन जिले दे गूल च करगंन जिसलै के दूर्ई रैली दक्खन कश्मीर दे अनंतनाग जिले च करगंन। डुरू च रैली करने मगरा राहुल गांधी होर श्रीनगर हवाई अड्डे पर पुज्जगंन फही उत्थुआं दिल्ली परतोई जांगन।

<><><><><><>

Nominations

बीजेपी दे मेदवार कुलदीप राज दुबे होरें कल रियासी थमां जिसलै के नैशनल कांफ्रेंस दे मेदवार सुरिंदर चौधरी होरें नोशैहरा असैंबली हल्के थमां कल नामजदगी आले अपने कागज पत्र दाखल कीते। इनें हल्के च दुए गेड़ दे चुनां तैहत् 25 सितम्बर गी वोट पोआए जाने नं दुए गेड़ दे चुनां लेई अधिसूचना 29 अगस्त गी जासरी कीती गई ह ते नामलदगियां दाखल करने दी खीरी तरीक 5 सितम्बर ऐ। नामांकन पत्रेंदी जांच 6 सितम्बर गी कीती जाग ते मेदवार जेगर चाह्न तां 9 सितम्बर तगर अपनी मेदवारी परताई सकदे न। इस गेड़ लेई मतदान 25 सितम्बर गी होग। जम्मू संभाग दिएं कुल 11 असैंबली सीटें लेई इस गेड़ तैहत् मतदान होग। इंदे चा 5 सीटां राजौरी जिले दियां ते 3-3 सीटां पुछ ते रियासी जिले दियां न।

<><><><><><>

Udhampur SVEEP(byte)

औंदे विधानसभा चुनाएं बारे ग्राएं दे लोकें च जागरूकता फैलाने दे मकसद कन्ने स्वीप तैहत् पंचैरी च नेकां गतिविधिएं दा सरिस्ता कीता गोआ। इनें गतिविधिएं गी ऐतिहासक सांकरी देवता मेला आली थाहर आयोजित

कीता गेआ। इस दरान इलाके च लोकें गी वोट पाने दे अधिकार ते मतदान दे महत्व बारे जानकार बनाया गेआ। स्कूल दे विद्यार्थिएं नाटक ते नृत्य राएं लोकें गी जागरूक करने दी कोशश कीती। इस मौके पर पंचैरी दे तैहसीलदार विपन कुमार होरें मुख्ख परौहने दे तौर पर मजूद हे।

<><><><><><>

RO Paddar(byte)

किश्तवाड़ जिले दे रिटर्निंग अफसर डॉ. अमित कुमार होरें पाड्डर नागसैनी विधानसभा हल्के च कीती जा'रदी चुनां तैआरिएं बारे जानकारी दिक्ती। उनें दस्सेआ जे कुल 6 मेदवार चुनां मैदान च न।

<><><><><><>

GOC Visit

जम्मू आधारित व्हाइट नाइट कोर दे जीओसी लैफ्टिनेंट जनरल नवीन सचदेवा होरें डोडा ते किश्तवाड़ जिलें च सुरक्षा स्थिति दा जायजा लैता। इत्थें पैहले गेड़ तैह्त 19 सितम्बर गी मतदान होना ऐ। सचदेवा होरें सालाना त्रै रोजा कैलाश कुंड यात्रा लेई सुरक्षा बंदोबस्तें दा बी जायजा लैता। एह यात्रा डूडू-बसंतगढ़ थमां शुरू होई ही।

<><><><><><>

Intelligence Confrence

खित्ते दी मजूदा सुरक्षा स्थिति, सुरक्षा सरबंधी नियमें-कायदें ते हालिया चुनौतिएं दा जायजा लैने लेई कटुआ जिले कन्नै लगदे पठानकोट थाहर मामून कैट च सांझी खुफिया ते सुरक्षा सरबंधी बैठक लाई गई। इस दरान पाकिस्तान प्रायोजित आतंकवाद बारे चर्चा होई ते मजूदा सुरक्षा स्थिति दा ते भविक्ख दिएं तैआरिएं दा व्यापक जायजा लैता गेआ। इस दरान सेना ते होर दूर्ई सिविल, खुफिया ते पुलस अजेंसिएं बश्कार बेहतर तालमेल पर जोर पाया गेआ तां जे कुसै बी अभियान ते आपात स्थिति दरान सरबंधी अजेंसिएं समें सिर कारवाई करी सकन। एह कांफ्रेंस ऐसे समें पर लग्गा'रदी ऐ जिसलै कटुआ ते पठानकोट जिले च संदिग्ध नकलो हरकत दिक्खे जाने दी खबर थहोई। इनें दौनें जिलें दा बन्ना पाकिस्तान कन्नै लगदा ऐ। 2 घेंटे तगर चली दी इस बैठक दी अध्यक्षता 9 कोर दे जीओसी होरें कीती। एहूदे तैह्त जम्मू सांबा ते कटुआ जिलें औंदे न।

<><><><><><>

PM ET World

